

**REPUBLIKA E SHQIPËRISË**  
**AGJENCIA E SIGURIMIT TË CILËSISË NË ARSIMIN E LARTË**  
**BORDI I AKREDITIMIT**

**VENDIM**

**Nr. 17, datë 24.03.2022**

**PËR**

**AKREDITIMIN PERIODIK TË INSTITUCIONIT TË ARSIMIT TË LARTË UNIVERSITETI I ARTEVE**

Bordi i Akreditimit, bazuar në Ligjin Nr. 80, datë 17.09.2015, "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", Ligji Nr. 8480, datë 27.5.1999 "Për funksionimin e Organeve Kolegjiale të Administratës Shtetërore dhe Enteve Publike", Vendimin e Këshillit të Ministrave Nr. 109, datë 15.02.2017 "Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë", i ndryshuar, Vendimin e Bordit të Akreditimit, Nr. 1, datë 07.04.2017, "Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë", Vendimin e Bordit të Akreditimit, Nr. 2, datë 07.04.2017, "Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit", dhe Vendimin e Bordit të Akreditimit, Nr. Ekstra 1, datë 02.02.2018 "Për miratimin e Rregullores së Bordit të Akreditimit", në mbledhjen e tij të datës 24.03.2022, në kuadër të vendimmarrjes për akreditimin periodik institucional të institucionit të arsimit të lartë, **Universiteti i Arteve, me të dhënat si më poshtë:**

- a. Emërtimi i institucionit të arsimit të lartë: **Universiteti i Arteve**
- b. Organizimi i institucionit: **Publik**
- c. Lloji i institucionit: **Universitet**
- d. Njësitë kryesore të institucionit:
  1. Fakulteti i Arteve të Bukura
  2. Fakulteti i Artit Skenik
  3. Fakulteti i Muzikës
- e. Akti zyrtar i hapjes/licensimit: Vendim i Këshillit të Ministrave Nr. 234, datë 23.03.2011
- f. Akreditimi i parë: Vendim i Bordit të Akreditimit Nr. 68, datë 21.09.2017

**pasi mori në shqyrtim:**

- a. Dokumentacionin e Vetëvlerësimit, përfshirë të dhënat e përgjithshme institucionale, Raportin e Vetëvlerësimit dhe dokumentacionin mbështetës;
- b. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- c. Vlerësimin e cilësisë në përmbajtje, të kryer nga Grupi i Vlerësimit të Jashtëm, i përbërë nga ekspertë të huaj dhe vendas;
- d. Raportimin e Ekspertëve të Vlerësimit në mbledhjen e Bordit;
- e. Rezultatet e Vlerësimit të Jashtëm Institucional;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;
- h. Raportin e Vlerësimit të Jashtëm dhe rezultatet e akreditimit të parë të këtij institucioni të Arsimit të Lartë;

**konstaton se:**

- a. Procedura dhe procesi i vlerësimit janë kryer në përputhje me parashikimet ligjore dhe nënligjore, procedurën dhe afatet e përcaktuara nga ASCAL për këtë proces;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimin e Jashtëm dhe gjetjet e verifikimit gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Institucioni ka ndërmarrë masa për të përmbushur rekomandimet e lëna nga akreditimi i parë;
- e. Rezultatet e vlerësimit të akreditimit periodik janë nxjerrë në përputhje me gjetjet: pikat e forta, pikat e dobëta dhe afirmimet e identifikuara e verifikuara përmes dokumentacionit dhe vizitës në institucion;

- f. Rekomandimet e lëna janë në koherencë me gjetjet si dhe shkallën e përbushjes së standardeve të cilësisë për institucionin në fjalë;
- g. Rezultatet e Vlerësimit të Jashtëm në lidhje me shkallën e plotësisht të Standardeve Shtetërore të Cilësisë për Akreditimin e Institucioneve të Arsimit të Lartë në Republikën e Shqipërisë, sipas fushave janë: Fusha 1 “**përbushen plotësisht**”, Fusha 2 “**përbushen plotësisht**”, Fusha 3 “**përbushen plotësisht**”, Fusha 4 “**përbushen plotësisht**”, Fusha 5 “**përbushen plotësisht**”.
- h. Vlerësimi përfundimtar i Grupit të Vlerësimit të Jashtëm për cilësinë akademike për këtë institucion është pozitiv.

*Mbështetur mbi rezultatet dhe arsyetimin e mësipërm, Bordi i Akreditimit,*

#### **VENDOSI:**

1. **Vlerësimin përfundimtar POZITIV** për institucionin e arsimit të lartë, **Universiteti i Arteve**, me rekomandimet sipas shtojcës së këtij vendimi.
2. **Akreditimin institucional** të institucionit të arsimit të lartë, **Universiteti i Arteve**, me kohëzgjatjen prej **6 (gjashtë)** vite.
3. Afati përfundimtar i vlefshmërisë së akreditimit të institucionit është **23/03/2028**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin e rekomandimeve sipas shtojcës bashkëlidhur.

Ky vendim hyn në fuqi menjëherë.

#### **Shtojca**

Rekomandimet në zbatim të vendimit të Bordit të Akreditimit Nr. 17, datë 24.03.2022, “Për akreditimin periodik të institucionit të arsimit të lartë, **Universiteti i Arteve**, janë si vijon:

1. Institucioni, të rrisë përpjekjet për t'u bërë një njësi udhëheqëse artistike në përputhje me nevojat e tregut.
2. Institucioni, të hartojë dhe pasqyrojë në strategjinë e tij të zhvillimit, një studim të plotë të tregut të punës.
3. Institucioni, të shfrytëzojë rrjetin kombëtar dhe ndërkombëtar të krijuar, si një mundësi për të rritur bashkëpunimin në projekte specifike, me qëllim diversifikimin e riskut të të ardhurave të reduktuara nga studentët.
4. Institucioni, të marrë masa për ritjen e bashkëpunimit me rrjetin alumni, me qëllim fokusimin në ide dhe programe më inovative, të cilat mund të ndihmojnë në forcimin e mëtejshëm të cilësisë dhe konkurrencës së universitetit.

Në përbushje të rekomandimeve të mësipërme, **Universiteti i Arteve**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.